



Vogošća, ul. Jošanička, br. 80; tel: 00387 33 586 413, fax: 586 444

Broj: 14-11-1595/25
Vogošća, 15.10.2025. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 15.10.2025. godine donio je

**ODLUKU
O IZBORU NAJPOVOLJNIJEG PONUĐAČA ZA NABAVKU USLUGE FIZIČKOG
OBEZBJEĐENJA ZGRADE OPĆINE VOGOŠĆA**

Član 1.

Ponuda ponuđača "P.R. SIGURNOST" d.o.o. Bugojno, ulica Hadžialića ograda b.b., Bugojno, odabrana je za nabavku usluge fizičkog obezbjeđenja zgrade Općine Vogošća, kao prvoplasirana na Rang listi, sa ponuđenom ukupnom cijenom nabavke u iznosu od 25.885,20 KM bez uračunatog PDV-a, odnosno 30.285,68 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 17.09.2025. godine donio Odluku o pokretanju Otvorenog postupka nabavke usluge fizičkog obezbjeđenja zgrade Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 18.09.2025. godine pod brojem: 1353-1-2-147-3-122/25.

Sažetak Obavještenja o nabavci objavljen je u "Službenom glasniku BiH" broj: 56/25 od 26.09.2025. godine.

Tendersku dokumentaciju sa Portala javnih nabavki BiH je preuzelo 8 (osam) ponuđača. Krajnji rok za dostavu ponuda bio je 10.10.2025. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 10.10.2025. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 14-11-1595/25 iz septembra 2025. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"P.R. SIGURNOST" d.o.o. Bugojno	25.885,20	/	/	30.285,68
2	"Sword Security" d.o.o. Sarajevo	29.970,00	/	/	35.064,90

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača „Sword Security“ d.o.o. Sarajevo ne ispunjava formlno-pravne uslove tražene Tenderskom dokumentacijom, odnosno ponuđač nije dostavio traženu tendersku dokumentaciju, i to:

4. Izjava o ispunjenosti uslova iz člana 45. stav (1) tač. a) do d) Zakona (Lična sposobnost), sačinjena i popunjena u skladu sa šemom koja je data u Aneksu 3. tenderske dokumentacije, potpisana od strane ponuđača i ovjerena i potpisana od strane nadležnog organa (sud, notar ili općina).
5. Dokazi iz člana 46. Zakona (Sposobnost obavljanja profesionalne djelatnosti), ponuđači su dužni dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbijede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke (dokumentacija mora biti dostavljena u originalu ili ovjerenoj kopiji).
6. Original ili ovjerena kopija Rješenja nadležnog ministarstva unutrašnjih poslova za obavljanje poslova fizičke zaštite (prema Zakonu o Agencijama i unutrašnjim službama za zaštitu ljudi i imovine „Sl novine F BiH“ broj 78/08 i 67/13).
7. Obrazac pismene izjave iz člana 52. Zakona o javnim nabavkama BiH ("Službeni glasnik BiH" broj 39/14, 59/22 i 50/24), sačinjen i popunjen u skladu sa šemom koja je data u Aneksu tenderske dokumentacije, potpisana od strane ponuđača i ovjerena i potpisana od strane nadležnog organa (sud, notar ili općina).
8. Obrazac povjerljivih informacija, sačinjen i popunjen u skladu sa šemom koja je data u Aneksu 5. tenderske dokumentacije, ovjeren i potpisan od strane ponuđača.
9. Nacrt Ugovora (Ponuđač treba samo potpisati prijedlog Ugovora)-Aneks 6.
10. Izjava o dostavi garancije za uredno izvršenje Ugovora-Aneks 7.
11. Sadržaj ponude-ponunjen, potpisan i ovjeren pečatom ponuđača-Aneks 8.

Napomena I: Poželjno je da dokumenti u ponudi budu poredani u skladu sa Sadržajem ponude iz stava 8.2.1.

Napomena II: U svrhu potpisivanja bilo kojeg sadržaja ponude nije dozvoljena upotreba faksimila-slika potpisa ili pečata. Svi sadržaji ponude gdje je to traženo se potpisuju svojeručnim potpisom lica ovlaštenog za potpisivanje (faksimilom se smatra i skeniran potpis pohranjen u računaru koji se štampa zajedno sa dokumentom).

Napomena III: Ponuđači su dužni u ponudi dostaviti original ili ovjerenu kopiju ovlaštenja za potpisivanje, ukoliko ovlaštene osobe za zastupanje ponuđača nisu navedene u Aktuelnom izvodu iz sudskog registra kao lica ovlaštena za zastupanje subjekta upisa.

Tačkom 8.2.1. TD taksativno je navedeno koju dokumentaciju je potrebno dostaviti uz Ponudu, a ponuđač „Sword Security“ d.o.o. Sarajevo je dostavio samo:

- 1.) Popunjen i ovjeren Obrazac za ponudu-Aneks 1
- 2.) Popunjen i ovjeren Obrazac za cijenu ponude-Aneks 2

Zbog prethodno navedenog, a u skladu sa odredbom člana 2. stav 1 alineja 2 i alijenaj 3. i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je neprihvatljiva i nepravilna kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da de ponuda ponuđača:

- "P.R. SIGURNOST" d.o.o. Bugojno

ispunjava formalno pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela pristiglih ponuda ponuđača, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Član 2. stav (1) tačka I) Zakona o javnim nabavkama BiH ("Službeni glasnik BiH", broj 39/14, 59/22 i 50/24) propisuje da je neprihvatljiva ponuda "čija cijena prelazi planirana, odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterije za kvalifikaciju privrednog subjekta".

U zvaničnom stavu Agencije za javne nabavke BiH objavljenom na web stranici Agencije za javne nabavke BiH od 28.04.2023. godine stoji: "također se neprihvatljivom ponudom smatra i ponuda čija cijena prelazi planirana, odnosno osigurana novčana sredstva ugovornog organa za nabavku.

U otvorenom postupku javne nabavke i konkurentskom zahtjevu za dostavu ponuda, neprihvatljivost ponude se ocjenjuje u toku postupka, a u slučaju da je predviđena e-aukcija, neprihvatljivost se ocjenjuje prije zakazivanja e-aukcije".

Na osnovu iznesenog, obzirom da je procijenjena vrijednost nabavke utvrđena TD i kroz Obavještenje o nabavci u iznosu od 25.900,00 KM bez uračunatog PDV-a, Komisija za javne nabavke smatra Ponudu ponuđača "Sword Security" d.o.o. Sarajevo koja iznosi 29.970,00 KM bez uračunatog PDV-a neprihvatljivom, a sve u skladu sa članom 2. stav (1) tačka I) Zakona o javnim nabavkama BiH kao i članom 8.1.6. TD, jer ponuđena cijena prelazi planirana, odnosno osigurana novčana sredstva ugovornog organa za nabavku.

Tenderskom dokumentacijom-tačkom 9.4. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 80/23) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke. Međutim, kako je ostala samo jedna ponuda koja ispunjava formalno pravne uslove, odnosno zahtjeve ugovornog organa tražene Tenderskom dokumentacijom E-aukcija nije zakazana, u skladu sa odredbom člana 4. stav 2. Pravilnika o uvjetima i načinu korištenja E-aukcije.

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "P.R. SIGURNOST" d.o.o. Bugojno, za nabavku usluge fizičkog obezbjeđenja zgrade Općine Vogošća, kao prvoplasiranom na Rang listi, sa ponuđenom ukupnom cijenom nabavke u iznosu od 25.885,20 KM bez uračunatog PDV-a, odnosno 30.285,68 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradila: Meliha Čolpa



Kontrolisala: Đejna Sarač



OPĆINSKI NAČELNIK

Migdad Hasanović

Dostavljeno:

1. "P.R. SIGURNOST" d.o.o. Bugojno
2. "Sword Security" d.o.o. Sarajevo
3. Nadležnoj Službi
4. U dosije
5. a/a

info@pr-sigurnost.ba

namik.smailbegovic@swordsecurity.ba